


ԿԱՐԵՎՈՐ ՄՈՒ ՃՇՏՈՒՄ

«Լրարեր հասարակական դիտություններին պարբերականի 1984 թ. № 3-ում (էջ 41—50) տպագրվել է Հայկ Խաչատրյանի «Մադրասի տպագրատան պատմությունից» շահեկան հոդվածը, ուր «Ողբերգություն ի վերայ մահւան Յուլիոս Կեսարոսին» տպագրության թվականը, որ է 1812, կասկածի տակ էր առնվել, ընդունելով, որ գիրքը կարող է տպագրված լինել 1818 թվականին: Հոդվածագիրը եզրակացրել է, որ բքանի գեո շկա խնդրո առարկա գրքի իսկական օրինակը, պետք է ընդունել Հ. Դավթյանի վերջին տեսակետը» (էջ 45), այսինքն՝ 1818 թվականը: Ի դեպ, այդ թվականը հիշված է նաև Հայկական սովետական հանրագիտարանի 7-րդ հատորի մեջ (էջ 129):



1818

«Ողբերգություն ի վերայ մահւան Յուլիոս Կեսարոսին» գրքի խորագրի լուսապատճենը «մամանակին ուղարկեցինք Հ. Դավթյանին, որի առթիվ «Գրական թերթին» մեջ (1971 թ. հունվարի 22) տպագրվեց մի հոդված, որից արտատպեցին նաև այլ թերթեր:

Դեռևս 1970 թ. մենք ևս այդ մասին հիշել ենք «Սիոնի» մեջ գրած «Հայ տպագիր գիրքը 1801—1850 թվականներին և մի քանի նորահայտ գրքեր» հոդվածում («Սիոն», 1970 թ. հունվար):

փետր., էջ 65—80), ուր տվել էինք նաև գրքի լրիվ խորագիրը: Բայց թե ինչու Հ. Դավթյանը հանրագիտարանի մեջ դարձյալ թվականը 1818 է գրել, պարզ չէ մեզ համար:

Այդ գրքից մեկ օրինակ գտնվում է Նոր Զուղայի ս. Ամենափրկիչ վանքի մատենադարանում, № 2831-ի տակ: Գրքից այստեղ բերում ենք խորագրի լուսապատճենը, որտեղ շատ պարզեիպարզ թվականը կարդացվում է 1812:

Հուտանք, որ սրանով պարզված կլինի «Հովիտս Կեսար» գրքի տպագրության ճշգրիտ թվականը, որ է՝ 1812-ը:

Նոր Զուղա

ԼԵՎՈՆ ՄԻՆԱՍՅԱՆ

7 հոկտեմբերի, 1984 թ.